



Broj: 01,02-02-1-1031/23
Sarajevo, 25. 7. 2023.

26-07-2023

Na osnovu člana 86. stav (1) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15, 97/15, 78/19, 26/20 i 53/22), Kolegij Predstavničkog doma Parlamentarne skupštine BiH, radeći kao komisija u kojoj su: Denis Zvizdić predsjedavajući, Marinko Čavara, prvi zamjenik predsjedavajućeg, i Nebojša Radmanović, drugi zamjenik predsjedavajućeg Predstavničkog doma Parlamentarne skupštine BiH, Predstavničkom domu Parlamentarne skupštine BiH podnosi

IZVJEŠTAJ

o nastojanju za postizanje saglasnosti o prijedlogu amandmana poslanika Šerifa Špage na Prijedlog zakona o slobodi pristupa informacijama na nivou institucija Bosne i Hercegovine, P.Z.E.I, predlagač: Vijeće ministara BiH, skraćeni postupak (drugo čitanje)

Članovi Kolegija Predstavničkog doma Parlamentarne skupštine BiH, radeći kao komisija, **nisu postigli saglasnost** o prijedlogu amandmana poslanika Šerifa Špage na Prijedlog zakona o slobodi pristupa informacijama na nivou institucija Bosne i Hercegovine, P.Z.E.I, predlagač: Vijeće ministara BiH, skraćeni postupak (drugo čitanje), koji na 9. sjednici Predstavničkog doma Parlamentarne skupštine BiH, održanoj 24. 7. 2023, prilikom glasanja nisu dobili entitetsku većinu.

Prijedlog amandmana glasi:

Amandman I.

U članu 5. tačka r) briše se. Tačke s) i t) ovog člana postaju tačke r) i s).

Amandman II.

U članu 17. stav (1) mijenja se i glasi:

„(1) Institucija BiH obavezna je, radi osiguravanja pristupa informacijama, imenovati službenika za informiranje u roku od šest mjeseci od dana stupanja na snagu ovog zakona, čiji se službeni podaci s kontakt adresom dostavljaju Instituciji ombudsmena za ljudska prava Bosne i Hercegovine (u daljnjem tekstu: Institucija ombudsmena), te objavljuju na internetskoj stranici institucije BiH, u roku od osam dana od dana imenovanja.“

U stavu (2) istog člana, kao i u ostatku teksta Zakona, riječi: „Žalbeno vijeće“ u odgovarajućem padežu zamjenjuju se riječima: „Institucija ombudsmena“ u odgovarajućem padežu.

U stavu (6) istog člana zarez i riječi „Žalbenom vijeću“ brišu se.

Amandman III.

U članu 23. stav (4) poslije riječi „se“ dodaje se veznik „i“.

Amandman IV.

Član 36. briše se, a naredni članovi numeriraju se u skladu s tim.

Amandman V.

Naziv i tekst člana 47. mijenjaju se i glase:

„Član 47.

(Nadležnosti Institucije ombudsmena kao drugostepenog organa)

- (1) Pored ovlaštenja uređenih drugim zakonima, Institucija ombudsmena obavlja i poslove drugostepenog organa u rješavanju žalbi o ostvarivanju prava na pristup informacijama i prava na ponovno upotrebu dokumenata u skladu s ovim zakonom.
- (2) Drugostepeni postupak pred Institucijom ombudsmena vodi se u skladu s odredbama Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), osim ako ovim zakonom nije drugačije određeno.
- (3) U svrhu vođenja drugostepenog postupka i ostalih stručnih i tehničkih poslova u vezi sa osiguravanjem slobode pristupa informacijama iz ovog zakona, u okviru Institucije ombudsmena osniva se Odjel za slobodu pristupa informacijama.“

Amandman VI.

Naziv i tekst člana 48. mijenja se i glasi:

„Član 48.

(Ostale nadležnosti Institucije ombudsmana)

- (1) U svrhu osiguranja ostvarivanja najviših standarda u oblasti slobode pristupa informacijama, Institucija ombudsmena može da predlaže institucijama BiH preduzimanje konkretnih mjera radi unapređenja ostvarivanja prava na pristup informacijama i ponovnu upotrebu dokumenata propisanih ovim zakonom ili da na upit institucije BiH da stručno mišljenje u pogledu primjene ovog zakona.
- (2) U svrhu provođenja i unapređenja primjene ovog zakona, Institucija ombudsmena dužna je i ovlaštena da:
 - a) inicira donošenje, izmjene i dopune propisa radi provođenja i unapređenja prava na pristup informacijama i ponovnu upotrebu dokumenata;
 - b) predlaže institucijama BiH preduzimanje mjera s ciljem unapređivanja ostvarivanja slobode pristupa informacijama;

- c) preuzima mjere potrebne za obuku zaposlenih u institucijama BiH i upoznavanje zaposlenih s njihovim obavezama u vezi s primjenom ovog zakona;
- d) prikuplja i analizira statističke podatke o primjeni ovog zakona, koje su mu dužni dostavljati službenici za informiranje u smislu člana 17. stav (8) ovog zakona, te u svom godišnjem izvještaju sačini posebni dio koji se odnosi na njegove aktivnosti u smislu ovog zakona;
- e) radi na promociji ovog zakona, informira javnost, podiže svijest, provodi kampanje i na druge načine aktivno promovira ostvarivanje prava na pristup informacijama i prava na ponovnu upotrebu dokumenata;
- f) daje mišljenje na nacрте zakona i prijedloge drugih propisa, kao i dokumenata javnih politika, ako se njima uređuju pitanja koja su značajna za ostvarivanje prava na pristup informacijama i prava na ponovnu upotrebu dokumenata;
- g) obavlja i druge poslove određene ovim zakonom.”

Kolegij Predstavničkog doma Parlamentarne skupštine BiH sastavio je o tome izvještaj.

Izvještaj se upućuje Predstavničkom domu Parlamentarne skupštine BiH, u skladu s članom 86. stav (3) Poslovnika Predstavničkog doma Parlamentarne skupštine Bosne i Hercegovine.

Predsjedavajući
Predstavničkog doma
Dr. Denis Zvizdić

Prvi zamjenik
predsjedavajućeg
Marinko Čavara

Drugi zamjenik
predsjedavajućeg
Nebojša Radmanović



